

Relaziuns confessionalas a Samagnun el 17. tschentaner

Autor(en): **Maissen, Felici**

Objekttyp: **Article**

Zeitschrift: **Annalas da la Societad Retorumantscha**

Band (Jahr): **68 (1954-1955)**

PDF erstellt am: **09.08.2024**

Persistenter Link: <https://doi.org/10.5169/seals-221560>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Relaziuns confessionalas a Samagnun el 17. tschentaner

da sur F. Maissen, Zignau

La historia dellas relaziuns ecclesiasticas e confessionalas a Samagnun sto esser buca pauc interessanta, essend che ina atgna, independenta pleiv evangelica ha pudiu semantener duront quasi treis tschentaners en quella val, oz dil tut catolica, pli baul d'ina relativamein pintga, per temps schizun fetg pintga minoritad d'habitonts reformai. Quei dualismus confessional en la stre-tga val ha giu resultau dasper las bunas vicendeivlas relaziuns che regevan da temps en temps, de bia disturbis e carplinas denter ils adherents dellas duas confessiuns, e quei schizun suenter ils combats dil temps dellas schinumadas »turbulenzas grischunas« e suenter la pacificaziun dellas religiuns sut mediaziun dils Confe-derai els anno 1644 e 1647. Mo era en auters loghens paritetics, sco a Beiva, Val Müstair, Tumegl e Roten, ed ella Foppa ha ei dau suenter 1650 bia caneras e dispettas confessionalas denter ils de messa ed ils de priedi pervia dil diever della baselgia, dils zenns, dil santeri, e pervia dil dretg sils beins parvenda.¹ Sur de quei capetel ord quei temps ha la scrutaziun historica aunc de pur-tar bia alla glisch dil di.

A Samagnun ein las differenzas confessionalas entuorn igl onn 1650 aschi sgurdinadas che las Treis Ligias ston intermediar, gie schizun Pussonzas exteriuras anflan per bien ded intervegnir.

¹ Material surlunder ARCHIV EPISCOPAL CUERA, mappas 58 e 59.

ARCHIV CANTONAL CUERA, Protocols dellas dietas, toms 27, 29—34; protocols specials AB 4, 5, 7.; Landesakten A 2 LA 1 (1650—1700).

ARCHIV CLNTONAL LUCERN; Cartun 246, Zugewandte: Graubünden, act 1645 — 1700.

EIDGENÖSSISCHE ABSCHIEDE, Tom 6.1. (1650—1680) e. a. v.

Dal temps della reformaziun vegnevan talas dispettas decididas dallas Treis Ligias tenor il principi della majoritad. Pli tard ei ins buca adina setenius vid quei principi. Mintga partida encureva ded acquistar per sesezza tonts avantatgs sco pusseivel e seschava quei buca contonscher sin via pacifica, sche passavan ins cuort e bien tier violenzas.²

Il termin exact della fundaziun della pleiv evangelica a Samagnun ei buca enconuschents,³ denton sto ina tala pleiv ver existiu gia ils 1571, essend che ual quei onn vegn siu emprem plevon, Andriu Tuss, menzionaus.⁴ Igl onn 1570 ei il fondo baselgia vegnius partius denter catolics e reformai⁵ ed igl onn 1577 vegn in' atgna pleiv evangelica cun agen plevon menzionada els protocols della sinoda retica.⁶ La nievcreada pleiv evangelica sto denton esser stada ina ualti fleivla scaffiziun, per ina, pervia dil pign diember de parochiants,⁷ ils quals, enamiez ina populaziun

² Sur dils principis sez de questas dispettas quentel jeu entrar pli detagliadamein pli tard en ina pli vasta lavur sur dellas relaziuns confessionalas en las Treis Ligias duront la 2. mesadad dil 17. tschentaner.

³ Gia gl' onn 1529 duei Samnaun ver giu protestants. De remarcar ei la notizia ded Ulrich Champell en sia »Topografia«: ils de Samagnun hagian sut l' influenza dils Engiadinès giu concludiu ded acceptar la nova cardientscha, seigien aber vegni stermentai de far quei entras smanatschas dils Austriacs. Comp. EMIL CAMENISCH: Bündnerische Reformationsgeschichte, Cuera 1920, pag. 358.

⁴ J. R. TRUOG: »Die Pfarrer der evangelischen Gemeinden Graubündens und seiner ehemaligen Untertanenlanden«, separat ord »Jahresbericht der hist.-ant. Gesellschaft Graubündens«, 1934/35, pg. 169.

⁵ J. J. SIMONET: »Die katholischen Weltgeistlichen Graubündens«, Cuera 1922, pg. 148. Tenor Camenisch o. c. pag. 358 ein ils beins della baselgia vegni parti gl' onn 1571.

⁶ TRUOG J. R.: »Aus der Geschichte der evangelischen Kirchgemeinden Samnaun« en »Bündner Monatsblatt« 1927, pag. 113.

⁷ SERERHARD NICOLIN: »Einfalte Delineation« da O. Vasella, Cuera 1944, pg. 132. CLEMENTE DA BRESCIA P. F. »Istoria della missioni de fratri minori capuccini della provincia di Brescia nella Rezia 1621—1693«, Trento MDCCII, pag. 185. Tenor Sererhard deva ei a Samagnun enzatgei depli che duas tiarzas catolics. Tenor P. Clemente dumbravan ils reformai mo 18—20 olmas, (compresi anco li bambini in fascia). Tenor in rapport digl uestg de Cuera als catolics Confederai dils 27 de december 1650 dumbravan ils catolics de Samagnun 160 olmas, »die evangelischen, auch die Kinder in der wiegen gezählt 30«. Ins comparegli la expressiun empau semeglionta tier Clemente!

Gl' onn 1813 era ei mo 9 reformai pli, 1850 mo in e 1860 mo ina familia de 9 commembers en passant. Tier las dumbraziuns de 1870, 1888 e 1910 era ei negins reformai, tier quellas de 1880, 1900 e 1920 sesanflavan mingamai mo in reformau a Samagnun. Comp. Bündner Monatsblatt 1927, pag. 119/120 e 122.

catolica, eran stagn isolai da lur confideivels en la cardientscha della Engiadina Bassa, per l' autra pervia della fleivlezia finanzia de quella cuminonza. Perquei muossa il post de Samagnun era continuadamein midadas dils predicants.⁸ Da 1577 entochen 1809 han 26 plevons evangelics pastorau a Samagnun, schegie che quei post ei en quei interval staus duront biars onns vacants. Duront il temps de vacatura ei la pastoraziun vegnida surdada al Colloquium ne a singuls plevons della Engiadina Bassa. Dapi 1620, duront l' occupaziun austriaca, suenter ver scatschau il predicant e ver introduciu ils paders caputschins, han ins ad interim dau si la pastoraziun evangelica regulara a Samagnun. Da 1643—46 provedan puspei plevons della Engiadina Bassa quella pleiv provisoricamein.⁹

Igl onn 1638 ei vegniu fatg a Scuol denter deputai digl arciduca d' Austria, digl uestg de Cuera e dellas Treis Ligias in contract che determinescha las relaziuns confessionalas ell' Engiadina Bassa ed a Samagnun. Quei contract, ch' ei denter auters era sutsignaus da Gieri Genatsch, cuntegn denter auter per Samagnun la destinaziun, che aschiditg sco la val seigi per la pli part catolica, audi la baselgia e l'entira entrada della parvenda als catolics; ils reformai dueigien tener lur survetsch divin u en las casas u ordaviert.¹⁰ Cheutras vevan pia ils reformai de Samagnun negin dretg pli sin il diever della baselgia e negina art e part vid ils beins parvenda. Cun quei era aber era la pusseivladad de mantener in agen pastur dellas olmas considerablamein engraviada.

Igl onn 1641 drezzan perquei ils reformai de Samagnun alla sinoda la supplica de gidar els, sinaquei ch' ei vegnien puspei remess el possess d' avon gl' onn 1620.¹¹ Dus onns pli tard (1643) in-

⁸ Con delicias s' exprima Sererhard surlunder (o. c. pag. 132) »... aber da man an dieses ort tüchtige subiecta oder Pfarrer hinordnen sollte... so trifft dem armen abgelegenen Ortlein, das nur ein schwaches pfründlein hat, gewöhnlich nur von den schwächsteb Propheten. Dahar komts auch dz die Reformierte all dorten immer mehr geschwächt werden, masen erst vor wenig Jahren allda drei Famiglien zu den Papisten übergetreten sind.«

⁹ BÜNDNER MONATSBLETT 1927, pag. 113/114 e 126/27. TRUOG, »Die ev. Pfarrer« Pag. 169.

¹⁰ Bündner Monatsblatt 1927, pag. 114/15.

¹¹ Bündner Monatsblatt, 1927, pag. 115.

struescha la sinoda il proviser de Samagnun en quei senn de semplamein duvra la baselgia catolica per siu survetsch divin.¹² Quei fuva encunter il contract de 1638 e fuva adattau de leventar mala-veglia tier ils catolics.

Gl'onn 1646 surdat la sinoda la pastoraiziun de Samagnun al Colloquium della Engiadina Bassa,¹³ denton obtegn Samagnun prest sissu in agen predicant, pertgei gia la sinoda de Majenfeld de 1647 confirmescha Jakob Zatsus (Zath) sco plevon de Samagnun.¹⁴ La pleiv evangelica de Samagnun supplichescha la sinoda per in susteniment per puder mantener il ministeri en quei liug e la sinoda concluda de manar vinavon questa damonda alla proxima dieta dil fenadur a Tavau. Plinavon concluda la sinoda de Majenfeld de s' adressar alla dieta dils reformai, per tras agid de quella puder prender possess della baselgia e contonscher il liber exercezi della religiun a Samagnun.¹⁵ Avon in onn numnadamein eran ils protestants ded Almen sepatrunai dils beins parvenda ed els loghens paritetics de Churwalda e S. Maria en Val Müstair havevan els cuort e bien priu possess della baselgia ed introduciu sin agen pugn il predicant.¹⁶ Il medem pareva de vegnir preparau a Samagnun¹⁷ ed ir en vigur aschi prest sco ils mieds finansials per mantener in predicant eran scaffis. Perquei fan ils sinodals ils pli gronds sforzs per contonscher questa davosa finamira. La sinoda de Spligia de 1648 concluda ded admonir las vischnauncas dell' Engiadina Aulta e Bassa de porscher in maun gidond alla baselgia de Samagnun. Er dueien ins insinuar danovamein ils signurs regents della tiara ch'els fetschien ch'els catolics de Samagnun dettien liber als reformai la baselgia.¹⁸ Las suandontas sinodas de 1649—1655 fan continuai sforzs per

¹² Bündner Monatsblatt 1927, pag. 115/16.

¹³ ARCHIV DELLA SINODA evang. retica, Cuera, protocols, tom III, pg. 15.

¹⁴ Protocols della Sinoda, tom III, pag. 27.

¹⁵ Protocols della Sinoda, tom III, pag. 27.

¹⁶ ALBERT FRIGG: »Die Mission der Kapuziner in den rätoromanischen und italienischen Talschaften Rätiens im 17. Jh., Chur 1953, pag. 182.

¹⁷ Protocols della Sinoda, tom III, pag. 27. »... V. S. adhibitibus prius consilium D. Politicis, statuit istam rem ad comitia 5. Julii proxime futuro Davosi celebranda et deferendam, similite et illam, quae ecclesiae sive templi apertionem et s. Ministerii exercitium in illo concernit...«

¹⁸ Protocols della sinoda, tom III, pag. 43.

che las vischnauncas della Engiadina contribueschien alla baselgia de Samagnun. Mintga sinodal veva de far ina certa contribu-ziun per Samagnun e la sinoda de 1651 concluda schizun che tgi che hagi inaga buca contribuui sia part, hagi de spender il proxim onn il dubel.¹⁹ Gl' onn 1653 ha in cert Conrad Gotscha fatg si zatgei funs alla pleiv evangelica de Samagnun.²⁰ Aschia ha la pleiv evangelica pudiu surventscher las empremas difficultads ed ual aschia setener sidretg.

Il matg 1647 ha giu liug la secunda conferenza de media-ziun avon ils deputai svizzers per sepacificar en fatgs de religiun ellas Treis Ligias. En quella ein ins vegnius perina ded allontanar ils paders missionaris caputschins da Samagnun e dad auters loghens paritetics.²¹ Il Pader Giacinto da Crema, da quellas uras plevon a Samagnun, veva en moda malprudenta, cul sentiment della protecziun austriaca, endridau ils de Samagnun de sesparter dallas Treis Ligias e de seligiar cun l' Austria. Cheutras veva el procurau a sesez tala situaziun, ch'el ha stoviu fugir ord Samagnun.²² Da cheu naven procureschan spirituals seculars la pleiv catolica de quei liug.²³

Ils 29 de mars 1650 comparan avon la dieta dils reformai ils decans: Hartmann Schwarz, Luzi Gabriel ed Elias Schucan e pretendan denter auter che la baselgia de Samagnun vegni aviarta per ils de priedi; ins dueigi seconferir pervia de quei cun igl uestg de Cuera.²⁴

Cuort suenter, ils 9 d' avrel seraduneschan era ils signurs cussegliers e menaders catolics ella residenza episcopala a Cuera, en preschientscha de monsgr. uestg Duri de Mont e dil capetel cate-dral. Igl uestg salida ils signurs ed ofniescha a quels denter auter ch'el seigi vegnius supplicaus dals protestants, »per amur dil

¹⁹ Protocols della Sinoda, tom III, pag. 60, 92, 107.

²⁰ Protocols della Sinoda, tom III, pag. 125.

²¹ FRIGG, »Die Mission der Kapuziner«, pag. 186.

²² FRIGG o. c. pag. 188.

²³ CLEMENTE DA BRESCIA o. c. pag. 326. Simonet, (o. c. pag. 148) indichescha gl'empren prèr secular suenter ils paders pér cugl onn 1665. Tenor Clemente ei il diember dils reformai ius fetg anavos a Samagnun suenter la partenza dils paders.

²⁴ ARCHIV CANTONAL CUERA, scursaniu: ARCH. CANT. C.) Spezialprotokolle AB IV, 5. 7, pag. 215.

ruaus e dil beinstar della tiara« ded incarricar ils catolics, ded arver als predicants la baselgia a Beiva ed a Samagnun. El hagi rispundiu a quels, ch' ils protestants dueigien inaga desister da talas pretensiuns, ei seigi avunda, schiglioc vegni Dieus finalmein a ver compassiun cun nus e vegni a tarmetter a nus las pussonzas catolicas digl exterior en agid. El vegli denton interpretar nuot senza ver secussegliau culs signurs.²⁵

Quater dis pli tard compara avon la medema radunonza dils catolics ina delegaziun de signurs protestants, numnadamein: Pancraci Caprez, mistral della Foppa, Hans Simon (de Salis?), Baltassar Planta de Zuoz, e mistral Andriu Sprecher de Tavau e pretenda ch' ins arvi als reformai las baselgias de Beiva e de Samagnun, sco quei ch' ei seigi stau usitau avon igl onn 1620. La delegaziun obtegn dals catolics per risposta, ch' ils evangelics hagian empermess de garegiar nuot pli, cun caschun ch' ins seigi secunvegnius de dismetter ils paders caputschins. Nuotatonmeins hagian els, suenter ch' ins hagi priu naven ils paders, rut las empermischuns fatgas cun retgs e precis e commess »nunresponsablas proceduras cun parter ils beins e rentas ecclesiasticas a Churwalda, nua ch' ins hagi admess la gronda part als predicants. Ed ussa fetg' ins aunc de quellas pretensiuns sin las baselgias de Beiva e Samagnun! Era igl uestg protesta encunter quellas pretensiuns en tutta fuorma e supplichescha ils signurs de vuler desister da talas.²⁶

Il nunzi apostolic a Lucern sustegn la posiziun digl uestg en la damonda de Samagnun.²⁷ Denton daventan las vicendeivlas re-

²⁵ ARCHIV EPISCOPAL CUERA (scursaniu: ARCH. EP. C.), mappa 58, ils 9 d'avrel 1650, e »Historia Religionis« D, pag. 1115. Plinavon: ARCHIV CANT. LUZERN scursaniu: ARCH. CANT. LU), Cartun 246, Zugewandte: Graubünden.

²⁶ Sco nota 25.

²⁷ ARCH. EP. C., mappa 58, 25. oct. 1650. »... Non bisogna che i Cattolici cedano alla forza, quando i protestanti vedano la risoluzione non penso, che tom 43, fenadur 1651, (copia) »Copia di protesta fatta a nome di Grigioni Cattolici dal sigr. Conradino Castelberg, landrichter della Lega Grisa nella dieta generale della loro Tre Leghe tenuta in Ilantz di luglio 1651, traduta dal tedesco.

Essendosi gli Engadini Bassi in questo Febraio passato, senza dubbio per ordine o almeno permissione di Voi fedeli e cari sigri confederati non solamente impatroniti violentamente e con modo insolito della chiesa Cattolica di Semignone, ma causate anche molto spese da pagarsi da quelli poveri Cattolici, e essendo questo attentato non solamente in se stesso irra-

laziuns denter ils de messa ed ils de priedi a Samagnun adina pli e pli nunsurportablas. Per commissiun dellas »Treis Ligias« senda commissari Eustachius a Porta a Samagnun per intermediar denter las duas partidas. El convochescha l'entira vischnaunca e sedeliberescha da sia missiun schi bein sco pusseivel e dat rapport de siu success al »Bürgermeister« Tscharner de Cuera. Ord quei rapport dils 27 d'october intervegn ins il suandont: sco el hagi experimentau seigi il pievel unfis de quellas perpetnas uiaras, ins lessi far cun quellas ina fin. Ils catolics astgienton interpreter nuot senza la lubientscha digl uestg, ne dils menaders catolics, aschi bugen sco ins vessi liquidau la caussa. Denter els vegnessien ils de Samagnun schon perina. Ils catolics de Samagnun hagian empermess de dar d'entellir agl uestg entras in currier, ch'els tolereschien buca pli ditg quellas dispettas e sch'igl uestg anfli buca auters mieds, sche seigien els sfurzai de s'accomodar culs de priedi.²⁸

Igl uestg de Cuera vegn adina puspei sollicitaus dal nunzi apostolic de buca dar suenter en quels fatgs ed en special de procurar ch'els catolics fetschien la »duida« resistenza en la questun de Samagnun. Ils catolics seigien leu en la majoritad ed hagian

gionevole, ma anche contra tante promesse, fatte da Voi altri cari confederati di non innovare punto di piu in materia di religione, ci e parso conveniente per urgente necessità protestare e con riserva di ogni altro rimedio opportuno reclamare contra queste violenze, e tutte l'altre che in qualsivoglia luogo siano sinora seguite, e potessero nell'avvenire intraprese in danno della religione Cattolica come nulle e mere violenze, nelle quali non avemo mai consentito. Con cio restano consolati di speranza, che Voi altri fedeli e carissimi confederati lascierete protocollare questa nostra protesta, farete cessare tutte queste violenze essercitate, cederete per la religione a quelli di Samignone tutto cio che li e stato usurpato, sborserete a medesimi e senza alcun pregiudizio de cattolici le spese non necessariamente fattaci, desisterete per l'avenire da ogni altra innovazione, e lasciarete tutti noi pacificamente nel libero e imperturbato essecitio della religione Cattolica Apostolica Romana, accio con questo la cara patria venga risposta conservata in vera quiete, pace e prosperità. Il che, come Noi speramo da Voi cari signori confederati, cosi ancor Voi al'incontro troverete noi pronti ad ogni nostro piacere, pregando intanto Dio a conservare noi e Voi lungamente in sua santa gratia«

²⁸ ARCH. CANT. C., Landesakten AII, LA 1, 27 d' oct. 1650.

ultra de quei las leschas della tiara davos els.²⁹ Era igl ambassadur spagnol cont Alfons Casati vegn incarriacus de sustener ils catolics.³⁰

A caschun della dieta generala dil november 1650 a Tavau communichescha il president dil marcau de Cuera e cau-ligia Tscharner il cuntegn della brev digl Eustachius a Porta als caus e mess reformai, numnadamein ch' ils catolics vegnessien a secunvegnir culs reformai de Samagnun pervia dil possess della baselgia, aschilunsch sco igl uestg lubessi quei. Sinquei concluda la dieta reformada de tarmetter als catolics de Samagnun ina »scharfa« brev, cun igl avis de s' accordar cun ils evangelics sin moda amicabla e quei aunc avon il proxim Nadal e sche quei d' venti buc, sche vegn' ins a dar camond allas vischnauncas della Engiadina Bassa »de far quei« cun la forza. Per cass ch' in accommodament seigi aunc buc reussius, dueigi el »ex nunc« vegnir fatgs.³¹

La brev della dieta evangelica als catolics de Samagnun ei veramein curdada ora ualti recent; ins hagi ussa spetgau avunda adumbatten ch' ei secunvegnien culs convischins reformai pervia dil possess della baselgia, sinaquei che quels sappien finalmein far lur survetsch divin. Ei hagian denton entochen ussa gnanc empruau de far quei. ». . . aschia lein nus aunc inaga, sco confederai, ver admoniu vus, aschi cars sco vies beinstar ei a vus, de seconcordar cun vos vischins evangelics, sin moda amicabla, seigi

²⁹ ARCH. EP. C., mappa 58, 15. de nov. 1650. Plinavon ARCHIV FEDERAL BERN, Nunziatura, tom 42, brev dil nunzi al Cardinal Pamphili dils 13 de dec. 1650. ». . . procuro di far riconoscere a msgr. vescovo di Coira l' obbligo che ha d' impiegarsi efficacemente con detti capi ad effetto di far cessare ogni simile prattica, che ci potesse essere, per non essere preso nell' istesso ospetto anch' esso . . .«

³⁰ ARCHIVIO DI PROPAGANDA FIDE, ROMA, copias egl archiv della prov. Svizzera dils caputschins a Lucern (da P. Jann) (scursaniu: ARCH. D. PROP.), rapport dil nunzi alla congregaziun dils 10 d' oct. 1650, ». . . et io procuro di farli riconoscere anche di vantaggio l' errore che con tutte le dimostrazioni che li furono all' hora fatte in contrario, volsero in ogni modo fare, accio habbino ad opporsi tanto maggiormente ad esso, se non si vogliono lasciare soverchiare affatto, e mi adopro per far concorrere nei medesimi sentimenti anche il sigr. Conte Casati, accio come all' hora hebbe parte in quel concetto, voglia hora pigliare le parte dei cattolici, par rappresentare ai protestanti il mancamento e l' inconvenienze de la nuove pre-tensioni contra la forma dell' istesso concertato, per vedere se sara possibile.«

³¹ ARCH. CANT. C., protocols della dieta, tom 27, pag. 154/55.

pervia dil diever della baselgia, seigi pervia dil santeri ne autras appartenentas caussas, e quei aunc von il proxim Nadal, e che vus concedies ad els tuts ils dretgs ch'els possedevan avon igl onn 1620, cass cuntrari — e quei lessen nus buca zuppentar a vus — vegn ins a prender mesiras per sfurzar vus leutier. E duess en gliez cass »per disposiziun de Diu«, pervia de vossa tinadadad, capitar a vus enqual malemperneivladad, sche lein nus lu en gliez cass haver zun negina cuolpa vidlunder . . .«³²

Igl uestg de Cuera, che manteneva da quei temps ina frequentà correspondenza culs Confederai catolics, sco era bunas relaziuns cun quels, survegn dal »Schultheiss« e cussegl de Lucern igl avis, ch'ils cantuns catolics della Confederaziun vegnien ad advertir ils reformai grischuns ded ina impatronaziun volenta dellas baselgias de Beiva e de Samagnun — e per cass che quei duessi buca bastar vegnien ins a protestar encunter solemnamein.³³

Cun brev dils 27 de december (1650) rapporta igl uestg de Cuera als de Lucern sur dellas mesiras violentas, pridas dalla dieta reformada de Tavau encunter ils catolics de Samagnun. Plinavon, scriva igl uestg, seigi in delegau de Samagnun staus tier el ed hagi selamentau sur de quellas »proceduras«, ch'ils 30 protestants de Samagnun astgien buca mo pretender il dretg sil diever della baselgia, mobein schizun sin la casa ed ils paucs beins della parvenda, ils quals beins derivien per part ord testaments, fatgs ils davos onns, per part da beins ch'il davos pader, Giacinto, hagi giu assignau alla parvenda. La pietusa glied temien, che, sch'els dettien buca suenter, savessien ils della Engiadina Bassa vegnir en grond diember, ed introducir il predicant violentamein, e caschunar ad els gronds cuosts e far pagar quels mo ils catolics, sco quei ch'ei seigi stau vegniu avon pli baul repetidamein. Quei tut savessi aber ir vess alla paupra glied e quella savessi lu tgunsch prender in auter conclus. El, igl uestg, hagi cussegliu als de Samagnun de refierer empau quella fatschenta. Ei seigi de temer, aschia selamenta igl uestg vinavon,

³² ARCH. CANT. LU, cartun 246, 22 de nov. 1650.

³³ ARCH. EP. C., cartular S, pag. 217. Plinavon ARCH. CANT. LU, 246, 24. nov. 1650.

che sche il Tutpussent Diu ed auters »potentats« catolics assistan buc a nus, sche vegnien ils reformai a prender giu a nus in liug suenter l'auter e supprimer nus la finala dil taliter. Aschia hagian quels aunc il davos venderdis selubiu de garegiar dagl ambassadur spagnol Casati la lubientscha ded introducir lur confessiun en Valtelina.³⁴

Questa brev digl uestg de Cuera ei vegnida communicada tras copia als ulteriurs cantuns catolics. El decuors dil schaner suandont (1651) arrivavan las rispostas dils Cantuns catolics a Lucern, per mauns dil »Schultheiss« e cussegl dil marcau. Cheutras prendan ils Confederai catolics posiziun enviers ils evenements, ellas Treis Ligias, en special sur la damonda de Samagnun. Ins sappi buca bia tgei far pil mument, aschia scriva Friburg, auter che spitgar giu tgei ch'ei succedi el Grischun, »num che Vus manegeies, ch'ina recenta brev (ein empfindliches kräftiges schryben), scretta en Vies ed en num de tuts Cantuns catolics pudessi retener las imminentas violenzas«, schiglioc sapien els buca gidar auter che aunc encurir sustegn tier Casati.³⁵ El medem e semeglient senn sedeclaran era ils auters Cantuns Sviz, Solothurn, Uri, Zug ed Obwalden.³⁶

En conseguenza sollicitescha la regenza de Lucern, sco avanguardia dils Catolics Confederai, entras brev dils 30 de schaner 1651 igl ambassadur spagnol Casati de star en per la caussa catolica en la damonda de Samagnun,³⁷ daferton ch'igl uestg de Cuera vegn consolaus cun l'empermischun, ch'ins vegli far tut il pusseivel, per assiter ad el e per mantener la cardientscha catolica.³⁸ Als Grischuns reformai aber scriva la regenza de Lucern en num de tuts Cantuns catolics della Confederaziun, ch'ins seigi gronda-mein surstaus sur dellas malgestas pretensiuns sin beins della parvenda de Samagnun, ils quals beins seigien vegni acquistai pér da cuort. Ins vegli tuttina buca provocar pli lunsch, mobein laschar las caussas en quei esser, sco quellas seigien ussa dapi biars onns.³⁹

³⁴ ARCH. CANT. LU, 246, 27 de dec. 1650.

³⁵ ARCH. CANT. LU. 246, 16 de schaner 1651.

³⁶ ARCH. CANT. LU., 246, 14 de schaner, 16 de schaner ed 1. de fevver 1651.

³⁷ ARCH. CANT. LU., 246, 30 de schaner 1651.

³⁸ ARCH. CANT. LU., 246, 30 de schaner 1651.

³⁹ ARCH. CANT. LU., 246, 30 de schaner 1651.

Tuttas admoniziuns da vart catolica ein stadas vanas. All'entschatta fevrer arrivan umens armai dall' Engiadina Bassa, »en ulti grond diember« (en cass de resistenza duevan 300 auters suandar) a Samagnun, sepatroneschan violentamein dalla baselgia, introduceschan il predicant ed imponan als catolics de pagar ils cuosts en la summa de 300 renschs.⁴⁰ Landrechter Conradin de Castelberg protesta solemnamein per protocoll alla dieta de Glion en num de tuts catolics encunter quest proceder, ferton che la conferenza dils 5 Cantuns catolics a Lucern dils 27/28 de mars tarmetta agl uestg de Cuera ina brev de consolaziun.⁴²

Il nunzi de Lucern ei fetg surstaus, ch' ils catolics de Samagnun hagien dau suenter aschi tgunschamein, essend ch' els erien leu la majoritad e vessien giu las leschas della tiara en lur favur. Era sesmarveglia el ch' ins seigi secuntentaus mo cun ina protesta⁴³ ed el suspecta ch' ils menaders seigien gia ordavon secunvegna aschia.⁴⁴

Perfin il Duca d' Austria, Carli Ferdinand ad Innsbruck, s' exprima agl uestg, cun brev dils 11 de mars 1651, ch' el stetti mal, ch' ils catolics de Samagnun seigien ussa buca mo sfurzai ded arver als protestants lur baselgia, mobein era ch' els stoppien surschar a quels la tiarza part dils beins della baselgia. El recamonda agl uestg de sustener ton sco pusseivel ils catolics de Samagnun, cun cooperaziun dils catolics grischuns, pertgei »schiglioc ei la sontga religiun catolica ed il salid de biaras olmas en prighel«.⁴⁵

⁴⁰ ARCH. CANT. LU., 246, 28 de fevrer 1651. Tenor in rapport dil nunzi a Roma duci ei esser stau mo 10 umens armai (Arch. federal, Nunziatura, tom 42, 4 d' avrel 1651).

⁴¹ ARCH. CANT. LU., 246, (copia senza datum) ed archiv federal, Nunziatura,

⁴² Eidgenössische Abschiede, tom 6,1, pag. 47.

⁴³ ARCH. FEDERAL Nunziatura, tom 43, (Il nunzi Boccapadule al Cardinal Panzirolo, ils 4 d' avrel ed ils 8 d' uost 1651).

⁴⁴ ARCH. FEDERAL, Nunziatura, tom 43, (Il Nunzi al Card. Pamphili, ils 4. d' avrel 1651) »... questa facilità conferma il sospetto, che si aveva, che ci potesse essere qualche intelligenza, o almeno connivenza de Capi, tanto piu che per ragion del numero, che in quella terra sopravanza di molto gli eretici, avevano per se l' assistenza delle leggi del paese, e de pacti espressi,

⁴⁵ ARCH. EP. C., mappa 58, 11 de mars 1651.

sarà cosi facile che ci vengono, si non forse altro per la confusione di sentire rinfaciare le promesse che hanno fatto frescamente in contraria...« (Il nunzi agl uestg de Cuera).

Ils 22 de schaner, pia cuort avon la impatronaziun della baselgia entras il protestants, duei esser vegniu fatg in cert contract denter evangelics e catolics pervia dellas relaziuns religiusas, il text dil qual ei buca enconuschents. Quei contract ei vegnius completaus ils 1678 e 1682.⁴⁶

Igl onn 1671 selamentan ils catolics de Samagnun danovamein ch' els seigien buca libers en caussas de confessiun, en special che la dertgira ded Untertasna semischeidi en fatgs de lètq, ch' ils predicants sforzien de battegiar affons ord lètqs mischedadas, ch' il mistral della dertgira caschuni ad els grondas e malgestas expensas e ch' ils catolics vegnien schizun castigai, sch' els retscheivien da lur plevon caussas benedidas encunter malsognas della biestga. Quellas lamentaschuns portan els avon la dieta de Tavau e garegian da leu las necessarias remeduras. Ils caus pretendan ch' ins semetti buca en contractivas cul Nunzi apostolic ne cun igl uestg de Como per tractar quellas fatschentas, mobein cun igl ambassadur spagnol Casati, sin fundament dil tractat de Milaun.⁴⁷

⁴⁷ ARCH. CANT. C., protocols della dieta, tom 37, pag. 88—90, 104—108.

»Provisioni che si desideranno dalla Eccelse Tre Leghe per li aggravi che si ricevono da Cattolici in Samignone.

Che non si puniscano dal ministrale li Cattolici, che coll' autorità e dispensa della Sede Apostolica si congiungono in matrimonio con parenti in terzo grado e che non venghino dichiarati nulli simili sponsali, ma astretti li ministrali alla restituzione delli cento fiorini che hanno fatto pagare a Cattolici a detto effetto.

Che il Ministrale, in Crim., residente in Ramis, osserva il solito nel portarsi in Samignone con castigare li falli che si comettono ogni quatro anni e non per ogni piccola cosa, piu volte l' anno, per eccrescere a soli Cattolici le spese.

Che nelle essercitii della religione si lascia a ciascuno la libertà concordata nella Carta della Lega, e non venghino castigati li Cattolici civilmente o inviolabilmente per voler che li figli e figlie de Cattolici da loro congiunti si allevino in quella religione che hanno promesso e concordato avanti il matrimonio e conforme le consentudine del luogo.

Che li predicatori non debbino battezzare per forze le figlie delle madre Cattolice maritate alli protestanti.

Che nelle giorni santi non debbi il Ministrale portarsi in Samignone e tenere giudicio a castigare li Cattolici come e seguito di quatro persone nel venerdi e sabbato santo per causa assai leggiera ma solo nelli casi gravi e che patissero dilatione.

E che non venghino castigati li Cattolici per prendere da loro curati cose benedette contra l' infirmità de loro bestiame.»

Igl onn 1687 dat ei novas malperinadads confessionalas a Samagnun. Ils reformai selamentan che la pleiv catolica hagi elegiu in jester per plevon e ch' il caluster hagi per camond de quel dismiss la meisa dils sacraments dils reformai da siu liug ordinari e transportau quella sin clutgèr. La dertgira ded Untertasna vul perquei castigiar ils catolics de Samagnun ed il caluster pervia dils dus numnai puncts. Ils catolics recuoran tier il »burgameister« de Cuera, sco cau della Ligia della Casa de Diu. Quel instruescha la dertgira ded Untertasna en quei senn, ch' els dueigien pervia digl emprem punct (plevon jester) desister de castigiar la pleiv catolica, pertgei la dieta hagi destinau ina deputaziun che plidenteschi igl uestg en quella caussa e che sesprovi de secunvegnir en pasch. Arriguard il secund punct (caluster) seigi la fatschenta surdada al vicari general de Cuera ed al colonel Planta. Ins dueigi perquei suspender perinaga tut proceder. La dertgira ded Untertasna replica cun far valer ch' ils catolics de Samagnun seigien serebellai encunter las leschas della tiara cun metter neu in prer jester, e ch' il caluster seigi semussaus renitents alla dertgira cun buca comparer sin sia citaziun e cun protestar che la dieta ordeini deputaziuns senza lur savida: els veglien saver nuot de deputaziuns encunter la sentenza de lur dertgira ed insistien detschartamein ch' ins semischeidi buca en lur jurisdicziun.⁴⁸

Ils 10 de fevver digl onn suandont (1679), ei vegniu fatg in contract denter las duas partidas, il qual fixescha il liug per la sura numnada meisa dils sacraments, il dretg de metter neu maletgs en baselgia ed autras caussas, il schinumnu »contract de Punt Martina.«⁴⁹

Entras ils suranumnai contracts vegnan las pretensiuns dellas duas confessiuns arriguard la baselgia, santeri e beins parvenda rugaladas legalmein. Aschia sestabiliseschan las relaziuns confessionalas denter las duas partidas plaun e plaun.

Igl onn 1813 han ins sistiu la permanenta e regulara pastozaziun evangelica a Samagnun en consequenza ch' il diember dils

⁴⁸ ARCH. CANT. C., Landesakten, 15 d' oct. 1678 e 23 d' oct. 1678.

⁴⁹ Ina copia de quei contract sesanfla egl ARCHIV EP. C., en lungatg romontsch ed astgass esser linguisticamein d' interess. Compareglia appendix.

habitonts reformai era sesminuius considerablamein. Ils restonts parochians ein vegni pastoraì da leu naven entochen 1834 entras il colloqui. Igl onn 1836 ha plevon Gion Frederic Vital fatg il davos priedi evangelic a Samagnun.⁵⁰ Lu ei la pintga pleiv evangelica sesligiada. Il considerabel fondo parvenda evangelic, che purtava igl onn 1937 la summa ded 82 000 francs, ei dapi lu vegnius administraus sut survigilanza dil Cusegl Pign dil Cantun Grischun.⁵¹

⁵⁰ TRUOG: »Die evang. Pfarrer«, pag. 171.

⁵¹ TRUOG: »Aus der Geschichte der evang. rätischen Synode 1537—1937«, Cuera 1937, pag. 94.

Appendix

(Contract de Punt Martina denter catolics e reformai
pervia della baselgia, dils 10 de fevrer 1679, Copia)

Anno 1679, die 10 Febr., in Punt Martina; Siandt statt creschy qualche differentias circa il mal inclett Stad nad davart la maisa, ad usu da administrar ils s. sacraments, Sco eir davart Novatiuns, las qualas eiran missas in Baselgia et siond statt talas differentias, inter signori Rumauns Cattoligs l'una et sig'ri Mastral Caspar Paioker, sco mastral della Terra, u vero ils Reformats Evangelichgs da Samagnun l'autra part, schi per prevegnir a cuosts, et ad autras consequentias, ns' havein nus suottscrit intromist da componer quests fatts de amicali, uti sequitur.

Chia la maisa dells Reformats dess cur la non vain duvrada gnir conservada in sacristia, sinclegia Platt et Pè, et cur la vain douvrada gnir missa in loco Deputà, Sco ant co huossa, et in autras Baselgias et chia ils Romans Cattoligs possan a lur cuost far una Lobia, mo che la sia communa ad ambas Religions, et doppo fatta in pe che la gniva messa in sacristia, gnir messa in Lobia, cur la non vain duvrada.

Circa Novatiuns Scontaintan Ells, quai chia da plu, co quai che eira avaunt miss aint da tour ora, che non sea il nuumber da Pilts plu gronds, co sco, ch'el eira, et da quindar inavaunt Except la Lobia non possan fan ingünuas autras Novatiuns.

Circa ils cuosts dessen sig'ri Romanus Cattoligs pagiar 2 gl, dico Rainschs vainch, pro sar Mastral Giacum Chienzi,; Rest da cuosts; circa quaists fatts dessen ils Reformats pagiar.

Cun quaista reservan ils sig'ri Romanus Cattoligs da non volair haver tutt Authoritat da sia Gratia Ill' ma Ovaischg a Coira, il qual non siandt containt s' dess declarar da dus mains, et casu fuoss difficultat da parte da sia Gratia Ill' ma, non dess quaist pregiudicar allas raschiuns dall Mastral della Terra, Comuns o Reformats in Samagnun: S' inclegia circa Novatiuns chia schabain fuossan auters Pildts nouvs, mo che velgs sun dustats davent, dess' un nouf, schüsar per un velg, cun nuumber tant grondt co eira viavaunt, et da quindar in nia dess restar usche senza plus novatiuns tenor auters accordts, et haviondt els fatt una tabla novala possan laschiar et tour ora la vedra, mo che la nova non hai plu plidts et figuras, cho che la vedra haveva. Actum ut supra, in quorum fidem ns suottascrivain ils compromittens, nomine da ambas parts da propi manu.

Magister Christianus Theni, curatus Oenotrianus,
Christian Mang,
Florian Jenal.

Conradinus Planta
Martinus Stupanus
Johannes Martinus